

匏翁家集卷第七

詩二十九首

再至都下尊故廬

城東地僻稱吾曹
匠石功成屋脚牢
九市塵埃真可避
一天風雨漫相撓
不嫌巷隘妨肥馬
却愛牆低過濁醪
終老吳門敞廬

王又孫必葺笑徒勞

答潘時用和前韻有卜鄰之意

詞林無事本清曹
頗勝山虞掌獸牢
半畝住來鄰可卜
一朝謀定客休撓
過從須免投空刺
稱賀先判出宿醪
總道詩人家具少
載書仍有借車勞

送表弟吳子高南還

冒暑擎舟來衝寒
上車去非關好遠
游骨肉情深處



寄洞庭施翁二首 故修撰槃之從父

流泉匝屋老梅村 憶接春風笑語溫 曾識醉翁山水意 為收尊俎只開門

先朝翰撰是諸孫 白髮清門古道存 送客過溪成久立 不扶藜杖到黃昏

送蔣元用知樂亭

雨後泥途僕馬勞 東馳急欲試牛刀 早從鄉里知民事 不為科名重吏曹 海岬循行秋水盛 松江瞻望白雲高 漢書每愛桐鄉說 史筆無能亦強操

憎蠅

依然秋後轉多蠅 信矣歐公作賦憎 曾讀說欲行曾止 棘寓言猶在却疑冰 絞蠅取象緣交足 揮塵妨眼罷曲肱 一夕北窗寒氣

至營營知爾亦無能

送顧郎中天錫調永州同知

西南山水高清幽 子厚文章記永州 此地一行殊不惡 何人三黜獨無憂 全家下瀨馮孤棹 空橐迎寒典敝裘 便道吳西親展墓 却非前度望松楸

苦雨歎

朝雨風從西暮雨風從東 東風西風朝復暮 繞簷雨脚惟隨風 長街泥深困牛馬 廣庭水漫歡兒童 今年春熟已無望 秋禾復偃溝塍中 未頭生耳應俗語 哀哉歲計嗟成空 朝班侍立日復日日聞銀臺 陳疏封四方 水災什六七 祈免二稅須年豐

聖君無為抱淵冲 一語悉屬司徒公 司徒經制在國用 爵賞所費財當充 江南被災已十載 田疇今與江湖通 都城此雨有深

意天欲示人如發蒙 詔書寬大行當下作詩欲賀耕田翁

為陸病逸題畫

一卧茅廬三月深出門秋水散蹄岑亦知病裏多新語不肯從

人換橐金

送馬庭簡赴福寧州判

中貯書十萬篇清詩妙墨皆堪傳平生知己有我在當世幾
人如子賢向來六館同周旋石城風月仍年年青袍徒步赴銓
選白日旅舍窮殘編年餘五十得州佐差勝抱關并乘田眉間
乃有毛義喜便道得過庭闈前上堂捧酒拜家慶紆朱曳玉何
須憐秋盡黃花開未全小春想見江南天臨平山中樂三月雪
晴好泛閩江船

次韻題元新昌呂孝子德升詩墨後

百年純孝出儒門天意能令片紙存手蹟封題聯從子人家收
拾仗諸孫蛛絲煤尾呈奇物春雨秋霜感厚恩南望沃洲山下
路草堂風月冷琴尊

壽徐耕學

鄧尉山中一布衣築堂佳近釣魚磯扁舟綠水纜三尺小圃黃
花滿四圍公府招延開幙久里人爭訟入城稀祝翁強健長如
此老作田鄰願莫違

壽義門鄭仕信母八十

白麀峇溪上舊旌門舉案何曾有婦言獨向一身完至行能令三
子荷慈恩長繩欲繫西飛日春酒來如初發源前去耄期纔兩
武舍館還待哺玄孫

次李賓之用陶韻止詩

昔觀止詩詩意謂詩已止嗒然吾喪吾翻在辯說裏淵明寧止
酒文術乃責子苦思得孟郊新聲有侯喜紛紛諸詩人一言予
可起何況數百言和答各有理茲事已三年屈指丁及已穰穰
京邑間散落亦富矣秋水盛呂梁安能辨涯涘寥寥十二篇眼
中邈商祀

臘八日 賜宴

詔遣長筵列鳳池人間節序九重知食傳內饗真成例坐接同
官易得詩雪裏高寒瞻玉宇風前微動識朱旗十年左掖頻分
席深愧黃封酒滿卮

與陳起東食臘飯

歲暮相過恨少歡小筵臘飯擬春盤休開碧碗抄雲子旋把金
刀鏤雪團故里幾人同雅集吾生今日本間官天寒更爲叫尊

酒醉後猶能賦伐檀

寄光福徐雪屋

吳下隱君徐雪屋久緣山水伴漁樵兼有士還堪薦貧賤於
人真可驕書卷夜當巖月展布袍寒傍渚風飄銅坑深處楊梅
熟尚憶題詩坐石橋

庚子立春朝賀

金闕遙開動樂聲殿前袍笏侍春卿歲星忽傍東方起曉日初
辭北陸行擬學宋臣題帖子待看唐室進儺名禮成再望天門
拜列坐均霑錫燕榮

讀陳王汝紀夢之作

憶年三十憂無兒紙上僊翁誰贈之沈卿自云手親寫儼然挾
彈張鬚眉悠悠十五流年内兒子三得仍三遺門懸弧矢雖暫

喜架挂襁褓翻深悲只今沈卿亦逝矣厚意虛辱令人疑翰林
吉士東吳產長身廣額兼豐頤視予屈指五年少三兒王立肩
參差尚憂娶婦孫未抱天生兩臂將安施沈卿有子尤善畫良
夜夢感僊圖披起來捉筆忙志喜一段奇事成新詩陳君陳君
真好奇向人說夢何其癡惟君有子昔無夢如我有畫今無兒
蘇家軾轍亦偶爾此例豈可攀而為從來仁者說有復敢以天
道寬無知君心不足隴還蜀我欲易滿堯之夔明年相與發一
笑我當弄璋君含飴

辛丑元日次韻羅明仲洗馬朝賀

紫垣兵衛法句陳立仗天階滿瑞慶律應宮縣分氣候光生庭
燎散星辰周詩所願無如壽堯德難名總是仁玉殿三回叨侍
從衣冠深沐御牀春

天

郊祀畢承天門迎駕

禮成郊祀屬新年盛事休誇古賦傳萬馬盡驅驚海瀉六龍徐
度識天旋日高衣服依黃鉞風細韶音隔綵旒只尺堯眉真可
觀華夷拭目共爭先

慶成宴歸招陳起東賞燈

正月十四夜

公署齋居長曼曼三日盡將暈酒斷故人契濶令我思欲往從
之足如絆翻然騎馬何處歸御宴日高初飲散腹囊例許携其
餘猶有郊壇牲一段午窗坐睡晚始醒婦輩堪呼僕能豐盤殮
已具酒有無拍拍欲浮欣滿罐竹爐火暖酒慚温瓦鼎湯鳴肉
先爛作詩聊代折簡招及此孟春今始半客中無物相與娛一
盞華燈光燦燦煩君為我搜詩腸佳節豈宜空對案酬和惟應
陳與周王已汝要見墨墨珠一貫忽忽步履不可遲他日來觀成

應

掃灌

元宵獨坐

屋底燒燈俗強同蓮花照眼辨能紅月光轉向中天好人意何
如昨夜濃十四夜與起東王汝原故里關心惟弟姪誰家拍手
有兒童春風又報城門柝起步空庭見斷鴻

翰林宴集閣老以宣召去

白玉堂開酒未闌忽傳中使下金鑾漢家事事歸臺閣猶幸三
公坐不安

送孔憲副赴廣西

十年大夫官亦榮蕭然披服仍儒生胸中自有萬人敵何勞擐
甲兼操兵嶺南群蠻昔猖獗于戈滿眼尸縱橫連民竄伏遍荒
野高州殘破餘空城是時君來作民牧仰天誓欲安黎氓身騎

羸馬從辱卒瘴嶺惡谿循數程群蠻望見遙相驚我來惟伏膺
與誠片言開諭纔脫口馬前羅拜咸輸情腰懸木牌悉聽命手
斷藥矢誰違盟弱男寡婦免係累山谷日昏猶哭聲惟連惟高
我守令汝獯汝狺吾父兄軍中主帥驕心萌謂此已降皆可刑
獨將一身保萬口訖今軍旅休南征君於異類且有德斯民眷
眷能相傾祝良張喬世重見人物信是吳中英外臺遷擢終借
寇上國追隨爭識荆同鄉數聆情話好偏怪不肖誇功成邇來
用兵貴神速時有威寧海之襲下僚旋踵登公卿以君累歲出死力有
司豈合先知名迢迢桂管古所置領檄再作西南行投荒歷險
自無怨公道藉藉歸時評奇功聊爾錄一二碑文敢擬准西平

懷脩竹書隱

春寒漠漠雨冥冥假寐書牀午夢醒十載客居便巷陌一時鄉

思繞園亭繁花照檻知堪賞亂石鈎衣憶所經恰有古苔三畝
綠都來脩竹萬竿青當窗好鳥通人語挂樹危藤學字形日射
韭畦朝可剪香凝椽室晝常局鹿場舊築猶存號鶴家新封未
刻銘架上殘編歸擬讀移文不待北山靈

題倪雲林畫

雲林晚歲斤賞田宅念其友張伯雨道士
貧而且老持其金悉畀之後黨禍起富室
多死徙雲林獨無事人始賞其
有見王光菴為墓志特載其事

黃金散與列僊儒江上扁舟逐釣徒為語紛紛評畫者要知迂
叟不為迂

匏翁家藏集卷第七

匏翁家藏集卷第八

詩四十四首

分題武城送奚郎中歸省

舟行漕渠上日暮臨孤城泊舟試借問因得茲城名逶迤無百
雉人煙少交橫叢爾齊魯間獨感郎官情吳門至洙水豈乏三
十程偃也能北學學道功乃成一朝辭孔席去作邑宰行為治
以禮樂用武忘甲兵宣尼昔枉駕轍蹟猶分明壯哉孰非縣不
貯絃歌聲遺風被千載易使還黎氓問俗野煙起懷賢春草生
尋言游室更酌澹臺壑

分說字韻送起東赴江山教諭

門前短狐裘下馬立深雪憶君遠來初寒氣方凜冽俯仰曾幾
何時候已向熱三日春風顛黃塵沒車轍城南大道傍正怪柳



可折悠悠二十年會合嗟久缺旅館相過從情話始親切新檄復自持向我忽言別別路何所之遙遙指東浙邑以江山名信美不待說獨言抱高才進取一何拙長鬚漸斑斑仕版仍下列幸惟師道崇君子意所屑置酒臨長濠適值修禊節觴詠爭騁懷我獨如哽噎挽衣不能留越柁行且換惟君處鄉閭早歲得詩訣運思無凝滯往往筆為舌客居屢相投佩誦總清絕只今屏障間一一懸珮玦離憂聊藉茲庶幾自怡悅

分服字韻送姜恒頰御史赴南京便養

落花芳草連平陸驄馬行行入南服豈無斗酒可留君頭白高堂懷就祿婁水雲低異太行秣陵天近如韋曲過庭莫道諫書稀手中自削三千牘

謝孫希說送蒲團

新編蒲葉未全乾倦坐藜牀每弄丸聲矣相隨無長物塊然宜付此間官禪心似彼何時動病肘從今有處安聊就坡翁偷謔語一詩換得兩尖團

東坡謝送蚌蠟之句

為費廷言題沈士侖畫枇杷雙鼠

古詩三千兼刺美孔筆不曾刪相鼠齊諧志怪到張華博物應疑鼠有牙虫魚註成非磊落韓子作詩譏郭璞後來埤雅亦何為中有鼠譜煩農師鼯鼯鼯本同族散在人家稱小畜畫圖此種栗鼠否竹颺野處同其儔紛紛恣食高廩米書伏穴中那有體一前一卻誇委蛇李斯為汝誤已多暖風吹林金顆顆獨在江南飽珍果永州事敗無子遺甘與鷓鴣守一枝

張子俊畫松

周尚文太僕藏

案頭佳楮不盈尺上有千丈之長松非關月落影如許連蜷欲

起雙蛟龍我方隱几當清晝彷彿徂來見深秀空堂颯颯風聲
寒滿把稜稜霜骨瘦昔聞張卿人品高王帝與之稱二豪鳳池
揮灑出天趣往往筆底翻波濤杜陵詩翁去我遠愧此異弘與
韋偃故園舊種陰已成獨客燕山歲華晚

過玉汝半舫齋觀童子種植

豆籬瓜圃旋看成坐覺齋居意思清待到翠陰堪覆坐老夫須
挈酒壺行

歲寒三友圖

檜生巖壑裏凜然歲寒姿衆卉豈不好貞心少相知南望庾山
麓北瞻淇水湄氣味雖胎合猶恨道遠而生綃纒盈丈一旦聚
于斯匪籍縮地術良工親手移能事出腕指託物由心思邪人
多黨遊蔓草難芟夷正士每特立嘉樹不附麗時或倒置之山

陸參政挽章

苗反離離維此一堂上霜雪同襟期聊因草木類竊比唐虞
后稷既在位繼以契與夔紛紛共鯨輩末路將何爲

端陽日 是日夏至

一世惓惓義舉心宦途豪俊每披襟秋臺吏牘陽春暖炎海戈
船島嶼深客滿郵莊留置驛人如陸賈却無金錦雲溪水聲鳴
咽執紼何勞更託音

寄顏澄之上部

京口相逢又一年別來書札賴人傳午窗睡起頻揮汗最憶金

山共飲泉

郭忠恕雪霽江行圖 沈啓南藏

路出三峽風颼颼江天雪霽宜行舟水枯灑瀕高突兀木葉落
盡俱東流艤艫相聯蔽江下半空結構如危樓兩舷之間可走
馬主人恐是王益州獨嫌百物具蓬底如何不設戈與矛後繫
一舟亦千斛什器滿載餘甌甌青簾翠幙互掩映綵繩錦纜紛
綢繆玉爐頻熟沉香火寒氣不到珊瑚鉤篙工柁師噤無語指
落層冰誰為收安得挽以百牯牛代汝僕夫力且休人生得意
在富貴鄉里小兒驚宦游望中隱隱連遠洲深樹落照哀猿愁
日將暮矣泊何處萬里幾轉青山陬狂僊畫筆窮冥搜圖外意
思令人求陶翁願弃五斗米未肯折腰從督郵飄然輕颺孤舟
去惟有葛巾猶在頭高哉斯人誰與儔嗚呼高哉斯人誰與儔

送伊德載赴南京刑部

關下爭看進士袍南行又喜入刑曹青雲濶步空塵土丹鳳孤
飛好羽毛茂苑百年門巷舊先世甲科兩世姓名高族叔侃丙辰進上
不須分祿遙為養甘旨公餘手自操

題畫送陳明遠赴丹稜令

洞庭木葉起秋思正是扁舟入蜀時十里山城知臥治卷簾清
書見峨眉

賦鍊甕城送費廷言歸省

鍊甕城何崔嵬孫吳昔此作京邑萬夫築土施金椎上有千雉
環列下有四門洞開隱然屹立絕飛鳥獨許北固山相陪吾嘗
登其上縱目重徘徊西瞻秣陵樹南望姑蘇臺北瞰長江作衣
帶東觀巨海如酒杯城中多居民市肆浮紅埃時平目不識兵

革城圍積雨生青苔萬室相掩映水曲并山隈茲城真畫筭可收
拾能兼該芙蓉樓頭朝日出鳳凰池上春風來官寮登高或乘
暇能賦豈乏王與枚郡人暫從天上回都門車騎聲喧應當筵
何物可贈別一闋缺甕歌新裁北固有時崩缺甕無時墮詩家
比興義竊取堅為君操高為才秋江水滿君行哉

述懷

與僚友出城餞廷言後入月河詩

月河秋水寫城陰十里沙隄馬蹟深
坐著新吟亭近逼孤雲角徑潛通萬石林不是已公留客
住晚天涼思正盈襟

為李瑞卿寺丞題王叔明義興山水圖

陽羨山深懶杖藜臥游三日路仍迷雲中望見乘舟者始識
通畚畫溪

與蔣宗誼城東觀泉因憶舊談越中五洩之勝

秋早俄驚急雪流夜來高岍雨初收同行賴有三山客試問
如五洩游歇馬旋成燕市飲扣舷遙想越人謳玉泉山路涼風
爽還約尋源向上頭

次韻張汝弼見寄

盡去淫祠如狄相大興鄉學類文翁郡中有守今難得嶺下斯
民久不逢詩法雕虫成小技術家磨蝎忝同宮遠期君子來朝
日橫浦風高起雪鴻

任月山九馬圖

前元畫馬任月山九馬意態皆天閑開圖似具方臯眼不在驪
黃牝牡間日午歸來千里道渴者飲泉飢斃草風前汗血流未
乾仍見雙蹄騰櫪卓曹韓已遠圖有無猶賴杜老詩如圖慨予

何以慰馬癖空對駉駉并駒駉唐家自得王毛仲一時下乘千
金重此圖卷却勿浪開旅藝日日宜矇誦

悼彭侍講先生

江右才名東髮知商家三俊用何遲鄉賢忠節心相契古作雄
深力獨追僻宿雲昏愁永夜瀟瀟石潤瑞多時潸然一掬臨風
淚誰說東坡只哭私

秋夜彈琴作醉翁操

偶彈醉翁操載誦醉翁吟齋居當月夕風露正盈襟誰云在城
市而獨非山林似聞松風起吹落古澗陰澗水相和答琅然有
餘音神游幽谷底步入瑯琊深翁貌殊秀偉幸哉見于今挂壁
有長圖山林氣蕭森高人多古意亦復彈吾琴紛紛流俗外誰
識此同心

時陳玉汝以所藏朱澤民
松溪琴士圖索題遂及之

與原已過玉汝半舫齋看月時八月十四夜

錦袍寒重未成眠飛蓋西園又一年桂魄強論千里徑人心
待十分圓天低韋杜看逾近夜久奎婁坐稍偏更拂冰絃彈古
調醉翁餘興付琅然

重九日與蕭漢文出游城南

詩家長不負清秋疋馬城南又出游霜落茱萸經古泝煙橫首
蒼度高丘莫論來歲知誰健還怪前人管蝶愁向晚悠然何所
見青山依舊滿墻頭

再游城南

登高始經旬野景宛非昨園空秋葉深山淨寒雲薄清尊喜共
持破帽拚重落日暮淡忘歸黃花鬢孤壑

送僧道范游五臺

頭白吳中一老僧，慣將雙足付峻嶒。如今又向五臺去，此是諸山最上乘。

謝孔昭臨黃大癡畫

大癡道人避世士，移家舊隱虞山裏。早年能畫老入神，落筆虞山宛相似。深林依稀村塢重，水口近與昆湖通。高岡硯碓勢欲墮，此老前身黃石公。百年以後誰其亞，昔者吳門稱老謝。案頭臨畫似臨書，咄咄逼人真可詫。風流前輩杳難攀，詭語空傳謝疊山。窗中遠岫依然在，天際春雲仍自還。孔昭善寫山，自稱謝疊山。

陶靖節歸去來圖

搖搖輕舟曖曖故里，陶翁歸來僮僕咸喜。柔櫓將停，長纜斯理。迎候者誰曰維五子，舒宣前拜繼以阿端。雍佟傍門，翟氏整冠。家人相見，孰云寡歡。督郵何人，縣令何官。治我三徑，謙彼五斗。

束帶則難荷鉏，何有力耕。雖勞賴有濁酒，一杯對持。田父我友，歲荒乞食翁則不貧。單門柴車素琴，葛巾孤松可撫。高柳可薪，佳菊可采。幽蘭可紉，使翁乏此中亦自樂。樂夫天命而無愧，作白雲遥遥懷古。有作班盧既返斯語，自昨兩晉文章惟歸來篇。畫史運筆丹青乃傳，王室終燬相門獨全。荆軻之詠又孰傳焉。

悼張亨父

詞林何事失斯人，不見風流迥出塵。昨日退朝鞭共舉，他家聯句累猶新。棺停舊舍魂歸遠，車過長街腹痛頻。無力能為孤寡計，題詩即復報陳津。

詠邵文敬所藏轉刀

鑠金巧思出工倕，獨抱機心展轉危。報主父知深，自許授人難。辨倒相持筆端字，悟藏鋒妙囊底錐。嫌脫穎遲詩社埋頭羞銳。

進吳箋一割尚差差

詠湯姬

笑汝幡然似一公
窮冬相伴勝房空
三絨口不思援上九轉腸
應為熱中詩詠懷
春同少女禮云當
夕稱衰翁平生知足
渾無辱不恨孫弘布被蒙

次韻答賓之作書戲效拙體

書家新樣出眉山
若擬丰姿定玉環
硯沼百坡空對影
管城一孔但窺斑
臨模惡札勞唐楮
結構奇材得魯般
此意亦知聊戲我
試看攬奪語尤頑

來詩小序有勿怪攬奪蘇家行市之語

再答

西臺退筆塚如山
魏晉書家盡轍環
長愛弱毫能瘦硬
戲將濃墨故爛斑
物知久假非真有
師出無成定早般

般與班同趙充國傳般師罷兵

來詩後題曰行且還故步矣歲暮百篇期和答莫辭呵凍手偏頑

三答

蘇墨穰穰滿屋山
宿緣疑是手探環
馬形始悟當書尾
羊鞞無勞強索斑
屢屈漢庭陪絳灌
遠輸齊粟荷姚般
社中一笑同游戲
三絕君仍有絕頑

四答

春風初起到燕山
書客朝來喜賜環
詩陣且教旗正正
朝衣空沈墨斑斑
廉頗謝罪宜先簡
趙鞅行軍已殿般
只尺西臺還故步
雪當獨立愧疎頑

五答

都下才名李義山
詩筒相送幾循環
寒蛩入戶聲初咽
拙鳥成巢羽獨斑
聊復據鞍如馬援
不因奪邑慍劉般
壯年已受書壇

戒幸少童心莫比頑

次韻答謝于喬送石首魚腊二首

腴腹無勞重剖開依然尺素喜借來野人頓頓宜常食甲第紛
紛自滿堆雪裏作羨誇道韞病中和粥慰僧鬼佛經云比立有疾可以食之
相逢舊是煙波客興繞江湖句易裁

筠籠擎送手親開片玉遙從海藏來自取剝膠膠獨餌周禮若
教駢首石成堆名傳詩客如通印力盡漁工學背鬼楚俗未知
鮮食美莫臨陶鼎索新裁答賓之

答于喬次韻謝送冬笋

西郭清風甚野開門前俗物敢持來聊供香飯抄雲子為想長
饒斲雪堆空腹冷含金瑣碎壯心未怯玉崔嵬知君能畫非饒
守乞與鵝溪絹剪裁

又答賓之次韻

吳船遙泝雪江開曾遠簣簣谷口來鹿角絲時林下解蒲花
物市中堆小盤朝送情偏雅巨室山裝勢亦嵬人說孟宗多孝
感北堂供饌手親裁時賓之母夫人初病愈

謝馮佩之次韻送鹽笋

挑竹初疑一束開齒牙還辨越船來囊盛藤子新題帖飯煮芹
菹漫作堆興逐先春風味勝功收斤鹵雪花嵬任渠老硬相評
品未許伶倫當管裁鹽笋老硬為賓之所評

答于喬再次韻送魚鮓

晴窗裹鮓帖初開碧碗紅鮮入饌來禮尚右腴空古制食宜方
丈向前堆舌端漸覺香膏美齒上頻驚脆玉嵬東海任公公謝
傳六鰲須為一時裁

次韻謝凌季行送新釀六尊

寒掩蓬門午不開東鄰新釀叩門來黃封內法何從授紅印他家自滿堆飲量笑添清澗潤吟肩醉聳玉山嵬青州舊例今重舉從事多能未減裁

飲于喬家以端硯聯句畢復拾餘韻

披雲離北巖度嶺入中夏飲水從溪漁過都傾市賈氣陵松滋侯姻締雪濤姐重藉剪楚茅方函鄧川椹津津剖馬肝戔戔摸羊觥則足恨蹒跚仰唇驚甜問守黑面豈黥含貞口終啞靜維有壽焉玷尚可磨也魯史紀獲麟晉帖題裹鮓供給到唐文護持等商掌眉形空愛纖風字仍嫌哆却立敢摩肩僂行當出跨載觀七八評重補六一寫取友必于茲舍渠總其亞器隨詩銘傳人當碑刻打嚴韻拾子遺微才任聊且

匏翁家藏集卷第九

詩五十一首

辛丑仲山自寧陽回過宿同朝正旦

齊魯分司地三年不負知過門多舊話下榻又新詩曉日瞻鸞輅春風集鳳池聯班同拜舞鸚鵡喜肩隨

次韻李世賢齋居見懷時予病目不出

飯罷齋居撤紙屏定知踏月步空庭上林此夜歸鳴落後圃何年睡鹿醒劉保齋為院長時嘗于後圃睡鹿絲筆淋漓分曉露玉堂突兀帶春星高情只尺勞相望思繞西山萬疊青

夜坐懷齋居諸公次前韻

布衾寒擁對牀屏鵲遶南枝月過庭瞑目誰除童子障齋心自比太常醒花時漸好仍籠霧燈節相催屢問星俗傳元夕晴初八夜看參星



便有玉堂天上意銅鑪當案冷烟青

次韻鼎儀世賢問予病目

藥裹長隨老杜居全憑坐客誦方書巖前激電空聞爛屋上繁
星頓覺疎遙望未能知匹馬不祥幸免見淵魚詩家善謔坡應
爾旅館清齋澤也如似說北門春色近試分東壁夜光餘煩君
漫舉盧仝事此事非予却是渠時王汝得子誤以見戲

賓之鼎儀以前韻倡和句有及予者答之

十日寒窗嘆索居案頭空積故人書屢親藥物青囊近乍免朝
儀玉珮疎春到能言慚慧鳥日高猶瞑羨鰥魚陰鏗句法何人
得陸贄才名後代如獨恨無譏非鄙下尚聞遺韻豈周餘心亦
不比身齋者誰識清宵夢石渠

喜蘇御史還朝

昔報分司御史歸曾聞父老共歡欵江南列郡同三輔天上
星有太微白筆手題封事滿赭衣人立訟庭稀周家擬用蘇司
寇只尺威顏定不違

寄壽陳樵軒五丈八十

天南永夜壽星孤盛事新傳自古吳長巷鐵瓶依甲第廣庭絲
障擬蓬壺山花似錦爭來獻春酒如澠不待沽王敕早封周柱
史蒲輪遙載漢經儒雲霞蕩影連華屋鸞鳥鳴分行峙碧梧離席
旅酬期客醉當階答拜却人扶康寧無恙應僊骨僖敏同胞亦
美須帶索總誇三樂在將車猶憶二難俱歸然鄉里靈光殿又
矣丹青范蠡圖杖屨未能隨父執衣冠獨幸接師模廣成千歲
從今致晏坐棋軒看織烏

送周希正教諭赴嘉祥

家藏集卷九
心繫慈闈裏名題乙榜前治裝初北上奉檄又南旋得祿家無
累橫經席可專此行應暫屈拔擢在他年

題雜畫四首

策杖何所適高歌度林丘青山餘興在二步更回頭
昔觀水村圖長愛趙松雪只尺真宛然人家倚丘垤
雪湖清可游欲往乏艇子誰築臨湖亭寒波動窗几
水雲同渺然細嶺空翠色憶在太湖東弁山恨相隔

送劉時雍職方使寧府

面承天詔下蓬萊路指江西巨艦開持節總行藩國禮按圖
兼試職方才錦袍明月神僊去畫棟飛雲帝子來河漢莫勞瞻
望久星槎秋近却須回

憂旱

雲漢詩人訕刪餘見聖經民情方留質天道豈冥冥赤地連秦
晉清流涸汭涇端愁禾種斷久待麥苗青竟日瞻雌霓中宵問
畢星近郊仍太甚當宇不遑寧丙枕勤圖治秋臺緩用刑省躬
曾下詔逆耳遂俱聽好雨當驅馭狂風預殺螟小臣期入賀志
喜更名亭

王叔明村舍圖

田間雨過騎秧馬箔底煙生餒火鷲偶看王翁村舍景條然半
枕到江南

送顧希遂劉以規赴遂昌縉雲二縣令

路指天南處七星聯車清曉發都亭漢家循吏應同傳預孰堂

前戒石銘

吏部曾摘戒石銘
二語為題試選人

希遂持栢子庭古木圖求題為其尊翁壽

老僧作畫真遊戲不向繩牀立文字禪餘捉筆掃生綃王宰胡
為獨能事槎牙古樹形甚奇疑是蛟龍傳雙翅雲蒸霧湧不可
羈條爾卷之藏畫筍亦知社木非不材全此天年皆自致石罅
盤根意却甘楨棘任渠生滿地海虞顧翁隱者流有子教成爲
縣侯翁今年紀過八十頭白人間無所求日長抱孫坐堂上右
手尚能持酒甌試題古樹爲翁祝遙與莊子論春秋

久旱偶讀王半山暮歸一首感而次韻

八月不雨天冥冥宿麥半死黃兼青雨師出游風伯阻半道執
轡車還停天門萬里欲往扣閨人辭謝言誰聽盆池養魚道戲
爾勺水亦復揚清泠洛川迢迢不救旱川神微步誇娉婷安能
斟之灑九土一唱吳歌搖越舲

送陳堅遠

杏園事落莫已過燕都春有司愧淺陋使子志不伸銓曹重縣
令謂此民所親終然被簡拔去慰黔陽民黔陽在西南地與川
蜀隣茫茫沅湘間曷置子一身朝廷不忘遠一視同其仁遠
人德乃服勞子以撫循子昨來都下本作觀國賓置屋柴市南
地偏避車塵十年艱旅食家人總訢訢我數往扣戶子輒起正
巾清談盡欵曲書畫復前陳客中易交結何人最情真如子兄
弟賢氣力安能振度幾年尚壯美玉終難湮洞庭木葉下水落
當知津扁舟逐去鴈悵望遠行人

送沈良臣

家有宋高宗書良惠堂扁

杏苑春風後車塵帶落花儒衣物出郭御扁舊傳家易許丁寬
講詩從沈約誇扁舟明日路江上暮雲遮

種竹

人間此日六月六獨臥北窗避暑潯起來手校百家書種樹新
編存舊錄今朝種竹云最宜況是淙淙雨初足城西佛寺許見
分亟往乞之休待促泥塗十里何遥遥健步携筐馳兩僕叢林
夏半放葉稀新筍纖纖簪琢玉雨餘荒砌更旁尋土潤長鑱還
易斲入門便作摩戛聲眼中遂有篔簹谷連年生意殊寥寥淨
掃虛庭無寸草此君與我多宿緣不鄙閒官故臨辱長身嫋嫋
凡六輩瘦骨稜稜纜一束淺深稀密種如法更記南枝水頻沃
清風屢爲拂緇塵何異振衣新出浴翛然搖動又參差墻下疎
陰散朝旭詞人墨客會登堂預傍詩壇建牙纛素餐語陋歌伐
檀多識名慚收采薺青春高宴桃李園尤怪謫僊銷夜燭好來
此地倒壺觴安用他家置茶局日高相對欲忘味一任連毛并
脫粟長慶詩中紀似賢白傳名言斯實錄敢作尋常草木看造

次下堂猶整牒平生求友益者交勁節虛心盡忠告
稽阮徒散髮昏昏困醺醺因懷舊隱闢小園一箇茆亭四圍綠
坡僊爲我製詩箴楣上分明揭醫俗扁鵲徒聞藥最神平居肯
費黃金贖醉眠欹枕石牀危放步曳筇苔徑曲中林慣去復慣
來鳥獸相忘免驚觸塲開町疇伏麀麀巢接柝欄哺鸚鵡燕都
再住又三年俗病誰醫日憂篤北地高寒木易凋難同吳越兼
閩蜀不圖致此到吾廬信是此君多眷屬春來雷動響龍行尚
憐地窄身踉蹌鄰家隙地半畝餘久矣棄爲牛馬牯邇來見售
教掃除歛見踈槐陰繁蔭古井西偏薰壤平移種終當操畚揭
溝澮循行防旱乾雪天障護從皸疥猗猗如篲且如包放出千
竿愜吾欲邵家舊例倘可攀小結行亭工自督交游倘識匏翁
情昔者詩篇煩再續

寄李貞伯

金母橋頭置隱居近來清思復何如
遙知船趁風吹盡燕子催
人好束書

送吳德徵

溽暑宜多雨南行又見君
開尊臨積水挂席帶疎雲
片玉崑山出清風建業分鄉邦
為別意投贈媿無文

史館偶作

天闕何巍巍脩廊接高閣
冠珮相追隨何曾歎離索
值此夏日長深居淨炎歎
仰慚昔人言兼有天人樂
泛觀百氏書得意時一噓
新水漲玉河流雲度朱箔
農家望甘雨緣知夜來落
階草回枯老盆荷承嫩萼
欣欣耳目間群物俱有託
安知宿麥熟與求民瘼
悠然發孤詠薰風動簷鐸

與李世賢游月河寺

春闈濫校文喜與子為伴
匆匆三試餘文卷總堆
紫夕覽不成眠朝披遂忘
盥當其忙迫時往往至
達旦倦甚復醒然長鳴老
鵝亂地與門鑰分人從
辟鍾喚空庭豈不廣欲步
足如絆謂當撤棘圍償勞
藉游玩人事各紛紛詩社
盟屢叛荏苒入夏來仰天
復憂旱及茲得甘雨行潦
且瀟漫天氣今特佳陰晴
料能斷駕言出東郊尚趁
季夏半緩行乏肩輿低載
維欵段僕夫請所之聊循
月河岸野寺雖荒涼當門
有奇觀雨後流泉長絕勝
冰始泮危亭合清陰締絡
也須袒兼為河朔飲酒到
請勿算馬上談新詩先此
發一粲

送許埴還東陽

王允達壻

浙河昔枉棹千里來吳中
茅堂乏延欵脩竹維清風
愛子脫流

俗宛然如婦翁信哉得許劭因之想王通當時既別去傳聞學
彌工固應領鄉薦名姓登南宮我重為子喜仕路今方崇却緣
感霜露一臥春闈空有司幸藉口弗駕車虛攻被褐出太學伏
暑憐未終過我復告別仍還浙河東都門雨新霽晚天見長虹
津頭水勢盛趨岸宜孤蓬遙遙八華山翠色高巉從讀書有舊
隱績學期成功三年藿上鷄一日雲間鴻

次韻寄潘太守琴

閩南闕政賴君修吏治評來漢代優民有田疇歌召杜士能經
學比程仇乞身豈為浮言動去郡惟將故事畱未老一筇端可
却自臨溪足與山頭

送秦廷韶改守建昌

京塵漠漠愛樓居臥看

小可却疎詩擬前人知可到史修循

吏許誰書倘開東閣應先入暫守西江亦美除試向新民談舊
政三年化及武昌魚

送潘栗夫僉憲提學四川

豸服初成詠五紘西行兼得黑門過漢家暫託文翁事蜀道休
聽太白歌諸老詞章惟故郡頻年交誼共賢科雪消三峽江流
急定擬將詩度旋渦

彭文憲公挽章

館閣先登寵渥全名齊東甲繼鄉賢史亦身杜功難錄文苑歐
曾法獨傳四海日長依化國九京天遠隔重泉後生三載相從
地坐對薇花欲泣然

王成憲席上賦火肉

竹煙冉冉暗中浮佳味誰將製法求熊掌不勞重宴客羊頭何

用亦封侯黑鬚彷彿逢公子白頭分明出婺州飽後厨人還細
聶一盤紅玉薦新芻

分題習家池送侯僉憲

遭時為漢官佐憲游楚地偶過習家池還詢山公事遺音有歌
童倒載亡歸騎後世愧高情徒然効沉醉

送祁至和參政還湖廣

赤墀憶共接班行當日君猶作正郎久向江西參政事又來闕
下沐恩光三年考績因虞與千里提封過楚疆秋滿都城臨別
意只將詩句納行囊

送蕭漢文貴州僉憲

連宵不省是離筵空喜當軒朗月懸男子出游須萬里大夫能
賦已千篇吏曹薦士知無忝王事勞人信獨賢未待高秋天氣

爽好懷還託鴈書傳

為邵日昭題荆南春曉圖

尚書員公成絕藝二百年來許誰繼愛此荆南春曉圖霧雨濛
濛濕青髻邵君讀書富萬山誅茆結屋纔三間深林卓午日光
漏猛虎猶能窺一斑

東駕問陸鼎儀之疾次韻羅洗馬傳校書

廿年翰苑舊儒臣簡命東朝進講頻病體臥來聊假日
睿思傳到旋生春尋常賜食當前席只尺登瀛迂要津想見
幽懷多感激秋宵無寐望儀宸

野步圖

山風不斷鬢毛涼誰掃迢迢赤岸霜莫怪回頭三步裏石林端
可坐焚香

送李若虛

浙中妙山水造化夙所置美哉聚于斯千里一畫筭行觀與坐
閱舉筆皆可記其間多詩人良亦山水致李侯豫章產詩骨稟
尤異決獄最屢書豈不稱法吏苦吟顧無儔自謂性偏嗜騎馬
長安街推敞見詩意終然胸中奇抑鬱未能肆擢官副外臺偶
在兩浙地階庭列儒生案牘積文字多暇仍出游茲惟愜吾志
撲硯饒清暉新題翻目試寄與監田丞吾仍有公事

送陳師禹提學雲南

萬里行行馬獨前外臺仍喜得同年物擬蕭漢文不果路開六詔連車
轍業講諸生對簡編鍊豸冠高還自整碧鷄祠古漫相傳兩張
條約曾親見願向遐方繼昔賢崑山張節之華亭張時敏近歲皆以副使在師禹省中為提李
稱首

送蔡太守赴南寧

五馬齊驅雪蹟深除書新領荷綸音地偏正倚西南事天遠須
懷只尺心陸績清名惟載石蔡邕高調豈彈琴春風驛使應多
便擬報諸蠻總獻琛

為徐仲山題虎丘觀泉圖

徐子昔年官水部匹馬蕭蕭歷齊魯運河水滿萬艘通汶泗交
流無壅土歸來泉志手親編好與河渠書並傳不識當時陸鴻
漸齒牙空味虎丘泉

題汀州忠愛祠

閩南初置千夫長鄧賊乘機潛聚黨一朝變起沙尤間山谷群
蠻應如響竹鎗紙甲銳且堅白晝橫行爭擾攘畫驅壯者入寨
中忍見寡妻啼道上列城有警朝出兵府庫大開懸厚賞賊徒

失計漸誅夷流血成川歸洗蕩守帥何曾論脅從刻日搜山當
不爽軍門有令誰敢違汀州推官獨稱枉推官在州十八年獄
空有頌人曾傳寧將一身與賊死身安要與民俱全紛紛總作
邀功計道路所獲皆牽連下車解縛焚簿籍似此活人知幾千
臥龍山下陳牲醴民欲祀生翻祀死千年何以表赤心忠愛煌
煌有題字獨憐仕路終府僚報德茫茫嗟此止豈不聞王堂謝
學士閩人說是推官子

職官

送張兼素

書

北河冰合滯方舟來作京華兩月留公議在人書上孝壯懷于
世抱先憂旋歸幸慰斯民望撫字勞從異日酬握手不誇春榜
舊南雍風月久同游

答兼素次韻留別

南去難同郭泰舟客樓密雪故延留來朝初考虞廷績出處真
分漢室憂已似往年重惆望可能終日逐賡酬春風遠召還堪
慰聯珮相期鳳詔游

次韻傳曰川病中

歲暮偏驚客過門方書時與國醫論節拖凍雪當松院屋背方
塘類水村日糴五升知貴賤月收一束問寒暄杜陵詩句依然
在想見微吟對淺尊

游朝天宮

漢衣塵霧入門消脩竹奇松步履遙紫府新開延日月碧臺高
築倚雲霄城頭瑞鶴招還下海上枯槎坐欲漂為憶僊家爛柯
事手摩石刻是前朝

原已邀賞雪

乘興誰移雪夜舟清晨書札喜相投極知今日三宜賞諫已亦
愛前人四即休臘粥餽餘猶宿飽時為臘月九日春醪傾滿更新荔回
瞻玉宇高寒處快馬何人自軟裘

追和葉文莊公喜雪

都人舉手荷堯天不用書雲更卜年曉未日消應待伴霰維先
集似爭排作勞願附三農後志喜誰誇十載前獨坐南窗紅日
滿敢辭磨裏製新篇

觀奕

高樓殘雪照棋枰坐覺窗間黑白明袖手自甘終日飽苦心誰
惜兩雄爭豪膺欲較手形還匿怒蟻初交陣已成却笑面前歧路
滿蘇張何事學縱橫

次韻邵文敬對雪

酒力難勝夜氣嚴研池水涸咽銅蟾客居燕趙驚初見歲在壬
寅信可占棋士手較猶對局詩人齒冷欲停籤北風作陣料窗
白吹滅銀燈坐未厭

哀蕭漢文

吾鄉二年間人厄何屢見生者若晨星死者如激電張卿當壯
年疾行已云先凌老俄繼之身後誰主真楮子遠召來喪舟遠
南旋安知吾漢文策馬奔復殿異哉難重陳此事真大變漢文
少也孤惟日親筆硯既壯登甲科世故嘗歷練工官亦甚勞精
勤素無倦仕優兼好文提李首膺薦終然剛直姿此輩方帽帽
遂成貝錦詩側席阻深眷幸爾賴 聖明不失外臺選一時
重賢名遠去人反羨朋儕置別筵我數獲陪宴席間雜珍看獨
怪強下嚙被病蓋已深憔悴見顏面抄秋城東隅聯騎爭往餞

舉鞭大道間欲別仍戀戀孰期驅征車稅駕翻餘轄計從南使
來交游走相唁客居地苦寒啟牖放朝覲念舊涕淚零雪後還
集霰嗟惟茲四人在 朝並吳彥其一吾同官其三自同懸漢
文死差強故宅歸偶便獨憐鍾鼎才墮地成破齷歲晚魂茫茫
有手恨莫援呵筆一寫哀即為故人傳

匏翁家藏集卷第十

詩五十五首

壬寅正旦侍班

爐烟如霧藹彤墀半啓金門復道危只尺星辰華蓋轉中間日
月衮衣垂普天鳳曆開寅歲平旦鷄人報卯時 御座不勝袍
笏近侍臣偏識漢朝儀

和傅曰川以病止酒次陶韻

古來曠達人有酒誰肯止忘憂惟藉茲況在疢疾裏此事陶翁
然豈意至吾子不知翁作詩聊以詩自喜使當呻吟時得酒蹶
然起所以謂濁醪其中有妙理匪獨藐二豪既醉且忘已美酒
與惡石去病殆均矣但嫌過飲人拍浮渺無埃會將二鹵陳稽
首致禋祀



再和

間居發深思欲止無所止幸哉此頑軀不落詩酒裏止詩昔李
侯止酒今傳子而我處其間漠然無愠喜所止誰尼之旋踵興
復起不如不止人二事能料理古人尚少真俯仰孰知已緘書
報陶翁我止乃真矣春服不待成駕言王河涘未下孟郊拜豈
曰杜康祀

分題百步洪送顧工部

長河勢屈曲學海遙之東瞬息瀉千里滔滔若無窮忽然經彭
城怒發何其雄千艘相上下往往驚篙工昔聞入蜀險始與三
峽同行入舉足計聊號百步洪此地山繞路微禹安能通鑿石
尚磊磊急流為磨礪噴射聲愈振石腹疑中空嘗登戲馬臺憶
羽能戰攻自誇重瞳子不數隆準公長驅八千人氣撼沛與漚

餘威付此水叱咤猶生風美哉河渠使來往殊匆匆水利歸
國期成疏濬功月夜披羽衣清嘯黃樓中下視瓠子河枉築宣
防宮

送汝行敏

共挹清風坐竹林吳門相見到于今又開池上揮毫手未怯天
邊倚劔心考績最高楷士論分司多暇註官箴馬頭送別還長
嘯不減孫登鸞鳳音

園居初成次韻李賓之見過

扣門遙過我夏日更勞公小屋聊方就清尊幸不空畦長連古
井樹老映疎櫺歸騎休催整追涼騰晚風

觀製雨簷

作軒未料宛立長簷下增修匠石良坐倚前楹天忽遠步當平

砌午偏涼白雲就宿看逾穩急雨來催信不妨敢與蘇家論擇
勝半間難遣十夫將

題浦氏兄弟中秋賞月圖

月臨嘉樹不成眠夜半中庭忽短筵率爾盃盤聊草草闕然簫
鼓却闐闐荀陳星象空相應王謝風流亦可傳玉季丹青無有
引盞將秋興落華箋

和胡彥超過園居

三畝幽棲地新詩枉孟郊高題無鳳字拙構有鳩巢委巷重勞
問衡門也用敲一尊聊奉款親手破霜匏

次韻陸鼎儀過園居

開門小圃思悠然敢與陶翁較地偏此日便教懸木榻誰家却
去坐瓊筵藜羹非餅真能具菊本瓜苗早已擗徒步相過應莫

厭只愁東郭履先穿

和王允達病中雜述

日午畏新暑步就疎槐陰清風颯然至當此一披襟閒居任寥
落而獨懷同心入夏阻良覲荒園變鳴禽懷哉久在告幸無官
事侵口吐陶韋句時將代呻吟向晚有奇事忽此金石音平生
在學道富貴安能淫青巖舊隱居興入煙嵐深微詞寫雅趣展
玩良足欽峻嶒從詩骨長望西山岑

分韻得肅字送林朝信

十年載法冠能使百寮肅共瞻風裁高鶴班聳孤鶻平生獻替
心奏草惟自讀 聖皇記老成昨喜批薦牘議從吏曹公初
豈假夢卜輟君副臬司萬里騁遐躅章服增煌煌金鈿映朱襪
雅志在澄清姦邪首仍觸昔聞走豺狼今見螫蛇蝎團團八桂

林得此一枝足薰風吹雙旌欲渡江水綠餞別雜交親天氣適
炎燠酒闌棊槩喧醉墨已盈軸羨君有茲行畫錦非所欲實惟
家慶全樂哉難具錄

為王希曾題啓南長蕩圖

吳綾八尺餘遠勝好東絹坐移長蕩來歛向眼中見按圖想舊
游巒嶺非生面陽山踞獨尊虎阜奔而殿柔櫓一搖搖船頭翠
痕轉春水澹若空白雲故多變佳哉吳中景獨許沈郎擅典客
方壯年孰云宦途倦吾志每圖南欲趁秋風便幽深付一筇此
樂人勿羨

次韻答同年邵汝學約過園居

觸熱相過敢憚煩會呼童子掃蓬門俗流未許通車馬年契長
期到子孫已擬置棊枰木局旋教開酒壺泥尊荒園半畝清風

足他日應消楚客魂

二答李士英

堂成巧者更相煩只尺墻東別置門長願清風分故舊獨尋芳
草憶王孫士英出唐宗室後楚人預約空詩帖吳客難言之酒尊荒徑
寂寥春去遠倚闌還用弔花魂

三答劉道亨

坐待劉義洗熱煩雪車冰柱早臨門自憐學圃空稱老誰似登
堂累抱孫杜子刈葵蔬入饌陶翁收秫酒盈尊奕場莫謾誇能
事高着還當惱醉魂

四答胡彥超

園丁頻遣愧勞煩菜籠清陰已滿門車過陳平多長者官如胡
質有諸孫小堂定擬虛中席內府初停給上尊翰林每歲五月至九月例不給

酒不怪連朝風雨惡暑天真為洗詩魂

五答李賓之

菴居聯詠舊曾煩詩令巖來豈棘門欲繫苦匏同賤子李有詩云菴居

如可借吾亦繫吾匏每誇僂李得賢孫過街莫放追風驂李嘗墜馬對影須開

問月尊不是葛洪川畔路李源休覓舊精魂

六答楊應寧

池上揮毫思不煩忽傳詩句到柴門官聯賈至稱中舍字許楊

脩識外孫西郭向人空折簡東堂延客已開尊杏園舊例推年

少風雨孤村莫斷魂

對萱花

萱花映叢竹顏色殊覺佳新雨濕還重薰風吹復斜不嫌開易

落一日仍一花歲晚竹當茂無令人獨嗟

送仲山後坐通法寺西軒

是日名其闢曰雷泉

歇馬東城下緣堤踏淺沙長因送客日數得到僧家漉水

畝奔泉響萬車晚來簷溜斷天際散紅霞

送郭翔鵬進士知福寧州兼寄州倅馬庭簡

閩海遙遙獨置州忽看秋水動扁舟暫為魏闕三年別定向吳

門十日畱其兄為蘇學教授甲榜尚稱新進士雙旌已作古諸侯公餘

獨恨詩筒少為謝同官馬少游

園中晚步戲作

晚涼散步清陰下一樹古槐當廣廈畦間雨過井水渾牆上煙

凝日光緒病來一月不朝參名姓在朝身在野要知未許吾獨

閒舍有閒僮既閒馬城中塵霧漲天高披襟誰是同游者果然

此日是匏翁昨種苦瓜今可把

題顧定之墨竹追次虞邵菴韻 蔣洪勳藏

林間春雨過亭午葉初乾如與幽人對
翛然貌獨寒傳神者為誰顧老從後起不及湖州文猶勝
薊丘李

畫鳳

鳳鳥久不至曾致宣尼悲獲麟尚被殺不至亦其宜去周二千
載見者今為誰徒從書傳中強爾分雄雌畫工五色筆點染毛
羽奇不須舞簫韶展圖即來儀高岡豈岐山獨立迎朝曦噤噤
更喑喑又即卷阿詩遂令後世人如生舜文時我欲走四方按
圖往求之膠東與北海恐有漢鵲遺不如求之人徐庶或在茲
百年方承平鳳德宜未衰寄語楚狂輩高歌獨何為

送沈晉州林美

賢名曾是故鄉聞壯歲高科靜不群坐上誰為黃叔度榜中吾

愛沈休文鞭蒲此去猶無用符竹從來豈易分吏散午衙公事
簡定將書史對爐熏

秋日曝書偶閱常蘇州集

白日落未盡竹陰滿前除翛然暑氣退高簷當雨餘新松無悴
色萱花亦已舒偶觀草木性中懷一欣如脫帽被塵葛庭際方
收書愛此韋郎句把誦意踟躕焚香更掃地適喜中堂虛累月
猶在告深慚此閒居

送僧永岡歸吳住白馬寺

石縫梅泉一縷清早年依此學無生紫藤垂塢人迂步白馬馱
經寺得名法席坐揮椽拂短官河去上木杯輕山中試茗何時
好擬借禪房折脚鐺

送丁鳳儀

解裝適新秋，淡旬指堪數。俗事各匆匆，雅客未重覩。愛君產南都，樹立弃衆取。高情薄雲霄，清氣填肺腑。嘗聞策蹇驢，徑詣大江滸。天寒無一事，獨看雪花舞。維此一段奇，晉人可爲伍。信爾趣尚高，佳句隨口吐。作官不出鄉，且幸居北部。往來湖山間，吟興不曾忤。舊臺悲鳳凰，遠州擬鸚鵡。所至必畱題，錦囊有詩譜。此來非好游，聊復較官簿。客居大不堪，昧目滿塵土。掉頭倏言旋，頗類孔巢父。水路涼思多，船窗靜揮麈。何處落孤帆，夕陽帶疎雨。

送林克冲給事使暹羅

鳳詔初從閣下裁，僊郎遙向極南開。林回早棄千金璧，陸賈方施萬里才。滄海雲帆知幾轉，島夷卉服定偕來。已判天闕三年別，還待星槎八月回。

赴李世賢賞月

岸幘披襟素影中，施牀列坐短牆東。月宮桂樹依然在，人面桃花已不同。去歲此會曾有蕭漢文巷陌曲當塵壑遠，酒杯涼沁露華濃。夜深忽作掀髯笑，猶喜論文興未窮。

雨中與李貞伯沈尚倫諸友過隆福寺

步來禪榻畔，涼氣逼團蒲。竹雨簷前亂，茶煙林下孤。乘閒携畫卷，習靜對香爐。到此忽終日，浮生一事無。

僧舍對竹

老禪趺坐處，疎竹翠泠泠。秀色分鄰舍，清陰覆佛經。蕭蕭日暮雨，曳屣繞方庭。

張來儀楚江清曉圖

江州失守遺空宅，避難來爲吳地客。當年北郭擅才名，若比唐

人是張籍社中四傑知爲誰楊炯徐陵暨高適感時撫事相倡
和歲久家家有詩冊吳地非無祿可干直氣填胸羞枉尺筆端
獎借意何深試與七姬題墓石幸逢世道輯干戈山谷遺民總
徵辟自信容臺不負丞初行重典難逃青炎荒不及江流清懷
沙賦就髯如戟傷哉社友誰復存雪上孤墳少松栢蒲陽朱君
游宦來得此橫圖殊愛惜登堂示我實失驚展卷茫然爲離席
此老能詩夙所知丹青豈料居高格米狂餘事已盡傳王宰何
人敢相迫墨痕流動淡且濃紙上斑斑皆手蹟日光雲氣蕩欲
開最愛層層楚山碧竹窗疎雨助新涼坐我扁舟沿七澤更將
八詠當棹歌直下龍江醉僊魄畫中每段有詩凡八首

諸友賀予新堂有聯句數首楊惟立以疾不赴他日徧
和其韻因取末首和而酬之

任渠府謁更臺參曉起微吟帶宿酣尚憶小堂虛左席忽傳新
墨滿方函連篇且爲從頭數隔巷真如對面談後夜只畱滄海
月待將餘興付東菴

謝李貞伯送瓦茶爐

搏埴功成上短筵茶香酒煖盡相便送來陶鼎風斯下移近寒
屏火始然巧匠刻銘依古制才人聯詠費新篇却憐吳地官窵
徧深幸遺材出萬甄

送傅曰會中書告病南還新喻

錫宴瓊林識醉顏盛年文采映朝班竝游鳳沼鸞坡上總在金
昆玉季間楚產向來非北學漢官初許暫南還詩囊藁裏行裝
滿秋興先歸閭皂山

與李士英過王鴻臚鄧村別墅看菊午憩洪恩寺二首

步入南園亂菊叢霜餘籬落淡秋容朝衣欲解寒香細醉眼頻
揩秀色重李愿他年須共隱王弘此地正相逢誰誇九日龍山
會千古風流接舊蹤

城南韋曲路非遥游客逢秋不待招已過菜畦還柳市不勞月
夕更花朝鄰僧乍許分禪榻田父那嫌借酒瓢萬木號風平野
濶晚來欹枕聽江潮

原已宅賞菊

休從雲外望天香誰似蕭然林下粧嫩蕊漸成黃面老低枝猶
比白衣長曾隨枸杞添風味却笑芙蓉住水鄉詩社清忙今又
動看花直擬過重陽

送邵文敬知思南

萬里南行秋氣深却因畱別費清吟書家已擅臨蘇手仕路俱

懷易播心折桂石城曾作伴

文敬與予同鄉舉種椒淮浦定成林

淮南時嘗種椒百株召南家世應無忝詩裏甘棠舊有陰

九日諸友過園居小飲

久拚秋盡有清忙籬下依然萬點黃休說滿城風送雨端愁今
夜露為霜飯隨鄉俗駝蹄短研入詩筵鳳味長願得他年身共
健故山歸去醉重陽

次韻酬蕭文明

尺書遙向天南寄煠曉臨窗病眼昏把袂尚懷前日別開緘如
對故人言風高白鴈聯群過霜後青松壯節存莫便遐方為久
計賜環終許荷殊恩

次韻李賓之觀懷素自叙帖真蹟

法書莫辨贗與真真者一見餘風神吾生苦不解鑒賞猶道此

親朋

卷超凡塵少時曾觀聖母帖子石錯比荆山珍風神已乏祇骨
幣邈然陸地望天津囊無黃金可懸購自笑微生常乞鄰此卷
五年凡兩閱手撫禿翁心轉親向來作書總孟浪盡弃舊學從
新春棗函藏弄人莫識李侯知得嗟何因昨來借觀坐展玩始
識半面俄全身長廊豁氣或狂怒細墨垂絲兼笑顰禿翁早受
佛氏戒不貪尚帶癡仍嗔觀書得詩吾獲利室有雙壁非全貧
臨摸咄咄付能者舊例乞鄰緣與人

次韻李士英劉道亨過園居看菊二首

詩人渾不厭貧家閒就荒園看菊花傾倒臘醅瓶未罄品題秋
色句爭嘉殘英抱節真霜傑本草言功有日華醉後却勞歸騎
晚西風烏帽數枝斜
天寒墻下見枯桑叢菊朝來未減黃小菘幸違東市遠疎籬能

受北風涼肯因過客開門嬾賴有呼童洗茗忙日暮撥英衣袖
滿紙屏低擁慢焚香

次韻顏澄之畱別

朔風吹面到燕南喜報天街駐兩驂江水長懷曾共飲京塵初
拂便交談作官地偶分南北考績名宜壓二三歲暮旌門人獨
倚過家須着綵衣參

題台人鍾希哲寫文宗儒小像

羸馬空囊貌不寒吏曹重署博平官他年若赴天書召此幅須
畱父老看

次韻陳粹之鴛湖寓居

北來湖上借幽居坐占鴛梁作嬾漁未許扣門傳隱訣暫忘燒
燭治官書一廛故里為謀易百畝他年不願餘花柳滿村初病

起門生誰惜送籃輿

雪中李世賢招觀東坡清虛堂詩真蹟

茫茫巨海流銀沙分民舍并官衙詩人說詩等說法四坐續
紛天雨花寥寥小巷絕人蹟誰肯拄杖過吾家曲中合查失朱
鷺谷口聯翩多白鴉青葱搖落上林苑一夜亂綴瓊瑤葩故人
相送定石炭惡客好飲惟江茶清晨忽報有蘇墨折簡邀看門
頻搗形疑蝦蟆似曾壓技癢蟣虱誰為肥料知刻本來廣右醉
筆漫滅猶堪嗟坐當大雪發長笑新酒正熟浮紅霞

是日往觀果刻本蓋世賢招飲恐客不至故給爾乃復

次韻

出門騎馬踏雪沙玉堂吏散成空衙何人手剪吳江水而我目
眩梁園花客居長至歎寂寞賴有東鄰倦李家試開泥尊香潑

蟻却笑石本光翻鴉清虛堂中事已往妙墨零落隨風葩
吹盡元脩菜渴吻煎徹庭堅茶詩成一紙來萬里峒石至今
密搗濃書鍊把純綿裹深刻蟹上潮泥爬似人可喜非浪語與
客爭觀還共嗟莫言此幅字漫滅夜久屋壁飛晴霞

明日世賢持啓南雪嶺圖索題復次韻

小徑升堂新築沙退朝無事還私衙誰移雪嶺入我屋老眼白
日疑昏花坐游未覺足力倦倏過野店仍山家淺溪舟膠集凍
鴨空谷屢響翔飢鴉狂風入林一攪動零落玉蕊兼珠葩此時
誰掃林下白急欲往煮僧房茶忽然仰面見高寺扣戶還須持
馬搗長安十年走薄宦對此似將塵土爬西湖尋僧天欲雪蘇
子故事今人嗟清虛舊韻更可借捧硯獨無王子霞

為歸貢士題其先曾大父素節翁遺訓後

歸君入我戶手中何所持自云曾大父晚歲有訓詞讀之心凜
凜死與生同時時當洪武初立法張網維翁也長鄉賦死者皆
等夷避禍行萬里躋險兼履危一身孰為伴妻妾負兩兒或犯
盜賊狼或當狼虎飢道中屢脫死若有神所司艱苦歷三閨恩
宥溥見施終然穩渡江龜卜不我欺本無處世意乃有還鄉期
痛定如熄艾甘回忽舍飴享年數近百孫曾美而嬉扶杖登春
臺世道仍熙熙始知百年內苦樂真相資細書示後人微意當
知之吾聞崑人語此翁德惟滋所以少坎軻福優綏期願餘澤
久不竭仕宦方自茲為善必獲報翁也安能私今人處平世逸
居可無為

懷寧一孝子

珍禽或同穴佳木或連理最爾懷寧城乃有二孝子一邑一人

孝已多一家二人當如何毋存共作堂上戲毋死臨喪歌
有母斯有子事死如事生兄孝難為弟弟孝難為兄有司不須
問鄰里試看墓上湧出泉一泓又有紫芝燁燁廿一莖山川發
祥非狗俗 朝廷旌表始稱情欲知孝子姓與名吳氏本源與
本清

偶見元李希籙提舉遺墨乞歸宿之蓋希籙其先世也
因賓之作海月菴記為謝以此酬之

遺墨持歸走僮僕想見開緘重薰沐百年珠玉慨沉埋袖拂蛛
絲光奪目遂令短紙一尺餘價壓書巢三萬軸乞鄰與人真自
慙藝苑酬功自言足夜歸解帶不成眠海月亭亭當矮屋琅然
烏鵲忽驚飛月下新篇已堪讀湖湘文種傳一家前有希籙後
懷麓吳人再結文章緣几上分明畱此幅錦囊收貯莫教遲俗

子無知將手觸後世諸孫更好文還向吳人獲珠玉

郭翁家藏集卷第十一

詩五十八首

送吳令濟赴邵武推官

元師道之後蘭谿人

闕下相逢歎久疎交游已是十年餘科場獨使名終抑啓事誰
將例復拘上郡官寮持仕牒故家孫子抱遺書越舲搖動春風
急此樂何如過里閭

為李貞伯題朱寅仲小畫

春半扁舟過太湖洞庭着雨翠糝糊惟應舊日同游者愛此朱
郎水墨圖

和陳粹之元宵五詠

鬪鷄燈

坐上初看吐綬紅夜深童子忽開籠羽毛爭訝分明處烽火都



歸踴躍中句到孟韓猶覺晦力如劉項漫爭雄獨持一炬當鐔
俎輸與朱翁善折衝

走馬燈

鏃騎交馳映落暉長戈應藉魯陽揮真成烽火連三月早築金
城已四圍矢石聲沉堅莫破旌旗影轉疾如飛伯仁一炬非相
戲信落兵家第二機

火花

細蓋紛紛頃刻開坐觀火候亦奇哉春回玉琯微微動風定金
沙颯颯來桂子忽從天上落蓮花誰向水中栽夜庭一霎聊供
笑坐客休將見跋猜

粉丸

爭淘細碾玉霏霏萬顆完成素手稀鬢上輕圓真易拂腹中

硯便堪圍不勞劉裕呼方旋若使陳平食更肥既飽有人頻
唾席間往往落珠璣

油餛

賦滑津津色未乾聊因佳節助杯盤畫圖莫使依寒具書信何
勞送月團曾見范公登雜記獨逢吳客勸加飡當筵一嚼誇甘
美老大無成憶膽丸

送袁德純知宜興

此日公車擬薦賢更教遺愛與人傳郵程却算三千里科甲還
驚十二年吳邑煙花曾有約荆溪山水亦前緣丈夫事業今方
始莫學蘇公便買田

送王允達

群居恒紛紛取友惟莘莘彼無志操徒處世甘齷齪富貴謂可

求奔趨冀超擢孰能脫卑汗特立等山嶽王子有高趣小節乃
儉樸當初入官時世事已先覺求閒計已違欲去意中確上章
乞養病堅臥從勘駁得請即挽車不顧雪泥濁故山啓巖扉絕
澗聆水樂閉戶還著書吾事在家學寒子忝末契父矣藉磨琢
相過雖不疎相別亦已數累日獨惘然念此歲月邈隨行誰我
留所愧 聖恩渥終當躡蹀蹤別手不重握

送允達後飲通法寺西軒

杯酒頻將別恨澆日斜酒盡却無聊獨嫌去客忙騎馬更欲尋
僧懶度橋小圃杏花春尚淺長溝流水意俱遙年華似與人相
約墻外鞦韆映柳條

陸職方宅宴集分得鶯字韻

良會未云已不計杯酒行杯酒非所重重此鄉里情退朝入公

像

所職務各有縈歲首幸休暇于馬盡平生諧談接群友
名卿衣冠既相合壺矢亦無爭今日更樂甚獻酬滿前楹
況解事助以積雪清向夕却燈燭尊疊晃然明主人出新語四
座意俱傾失群慨歸鴻求友懷遷鶯未畢終日興更由來歲盃
清明日林亭大邀游興隆寺飯聽老房聰出永樂初姚
榮公與梁用行輩亦以是日游城南倡和四絕句見示
為次韻

柳下行來過佛樓旋携越酒薦闐羞香車盡日如流水總向長
安陌上游

傍井循墻踏細塵椿芽蘭葉一時新杜陵亦是尋詩者隔水空
隣見麗人

詩卷曾留白下城北來燕地又清明憑誰更和襄陽曲七十餘

年共此情
圍基擁矢各分明繡佛垂堂晚獨登社裏廬山隨處有遠公今
日是詩僧

原已王汝栗夫過園居分韻得畫字

散吏如野人園居幸麤就旋乞桃李栽疎籬幾枝透莫嫌花蔬
稀倚樹已堪嗅入夏倘成陰還來坐清晝

予初登進士第時武靖侯趙公實奉詔待宴禮部公既
老病家居念舊為四絕句見寄次韻答之

甲榜題名愧起家賜來法酒勝官茶元戎傳詔懷當日許戴瓊
林第一花

散吏蕭然自一家渴心長愛玉川茶曲江院裏重回首翠嶼春
風隔杏花

連雲甲第列侯家坐上曾分舊賜茶充國老來諸子壯緘袍重
見織團花
莫府功高早臥家囊收意以不思茶華箋詩到行行數誰說臨
文老眼花

和趙武靖病中招飲二首

瓊林錫宴已多時想見褒公虎豹姿今日春風過甲第馬頭飛
絮逐游絲

老將閒居不計年舊藏腰帶賜通天頻婆樹底多詩興瘦句誰
誇賈浪僊

貞伯王汝原已携酒同過園居二首

門設荒園盡日開探春時枉故人來盤中自愧無鮮菜牆下誰
誇有鵲槐願得常年供紙墨尚畱隙地築亭臺羽家池上山公

醉馬背須看倒載回

石庭延客坐斜暉此際殘花亦緩飛新作園官非強授故衝詩陣忽重圍晚晴霞彩浮高屋春冷風威入袂衣後日相過應上巳野泉猶可袂除歸

王孟端墨竹為貞伯題二首

九龍山下竹千竿畫屬高人王孟端何處看來渾似此山堂疎影落漪瀾

百年風致宛如新滿地清陰庇後人金母橋頭重問舍墨君堂上舊傳神

送錢世恒御史出巡

峩冠誇憲史秉笏侍明廷奉使初乘傳寧親復過庭五雲違北闕六月息南溟出郭人爭餞臨岐馬不停朱函藏手敕繡服映

腰鞢風送花填路沙隨水接汀才華張美錦意氣逼青宮前旌動光搖執法星

題趙子固畫蘭

王孫弄筆成墨數九畹依然連百畝開圖墨瀋將誤拾撲袖香風不勞輿破縑零落三百年非藉好事安能傳寸根無土強生活鄭老後來真可憐

分韻得江南二字送貞伯二首

忽對春風南陌還思夜雨西窗高丘恨不千尺望見離人渡江渺渺綠波芳草此時送別何堪潮到潯陽向上人歸鍾阜之南

送貞伯再分韻得舍字

宛然李公垂精悍真可詫譬彼千里駒骨相有定價維昔掌絲綸朝回屢清暇考古如不及萬卷壓高架危言動明主雅

意資 聖化去之十年餘尚復令人怕平生所交游往往至卿
亞形蹟久遺忘氣力豈憑藉名列楊王前身處季孟下久次仍
兵曹分司得車駕金陵佳麗地古句非假借秦淮匯灞澹鍾阜
鬱嵩華況此亦故鄉無勞買官舍所惜者吾徒臨別當首夏家
家競餞飲長日對尊罍安能叙中情坐語此短夜離懷逐江流
千里向南瀉

題海虞錢氏所藏王均章虞山圖

均章名理號中陽老
人生元盛時年未四

十弃官歸隱虞山之下慕丹術尤遠於醫所著有
泰定養生主論等書年餘九十而卒見吳思菴跋

扁舟昆湖去憶向虞山還當時迫日暮未得窮躋攀至今三短
章寂寥不重刪安知六載後依然見茲山諒無愚公愚賴有頑
僊頑頑僊隱居處深林置柴關丹竈火常伏藥闌苗載芟高情
付縑素丹青色斑斑茲山臥平野隱然不成環逶迤亦甚遠攢

蹙何其慳只尺見百里群峯互垂髮飛鳥歸易沒浮雲出偏闕
拂水最奇麗空巖故漩深天風或稍定石壁仍潺潺僊宮對佛
寺妙境非人寰獨憐仲雍墓誰為剪榛菅短棹載書卷浩歌水
雲間彷彿歸菴翁往來寶巖灣竊祿本無補乞身亦多艱臥游
畢舊願坐嘯開塵顏

送周仁廣通判福州

青衫烏帽去翩翩劇郡勞人信獨賢地下文襄宜有後江南凋
敝不如前濟民長策存家傳游宦初程接祖筵公道從來能自
薦三山風月謾相延

得賀美之書言吳民被災

書來吳下少浮沉入手猶疑得好音泉客美珠俄化血田家新
穀已剗心附毛却恨皮何在竭澤安知水不深肉食詞林無寸

補短吟聊復代官箴

題畫

水長鵝肥蕩口花飛鷺脰湖邊吳歌唱徹歸去日暮青山滿船

職官

送沈仲律湖廣僉憲

江左才名自一家。流傳詩法到京華。乍來一月俄成帙。更別三年定滿車。赤壁巢危留夜鶻。洞庭波遠帶秋霞。遙知使節登臨處。訟牒稀時早散衙。

曉過工部分司池上觀荷

匹馬城西趁早涼。偶來池上見紅粧。魚牀近接浮雲影。樹屋高撐漏日光。翠柄依然搖白羽。碧筒真可當清觴。莫乘輕筏過南渚。鷓鴣鷓鴣正滿塘。

題厓山大忠祠四首

休指厓山弔戰場。忠魂久已過錢塘。三仁可少文丞相。一死如前李侍郎。毒霧漲天橫沴氣。落星浮海散寒芒。孤墳最是無杯土。新廟依然有瓣香。

颶母誰懷國事憂。回看夜壑已無舟。山河滿地皆胡馬。潮汐常時自海艚。空使讖書符四廣。不教宗社復東周。孱兵到此誰非死。名姓紛紛惜未收。

獨上高丘望大洋。晚風吹淚濕衣裳。何人忍耻修降表。當此危進講章。島國全身惟叛相。潭州無事却勤王。史家未識諸燕意。便把祥興繫宋亡。

厲階千古恨。遼金戮力終成國。步侵鼎足一時撐。海角旌頭中。夜到天心間。關豺虎魂空返。寂寞魚龍骨共沉。臣節屢書猶不盡。欲將遺事託碑陰。

次韻陸鼎儀讀文信公指南集

柴市遺祠凜若生，艱危當日仗忠誠。
衣裁左衽慚相尚，纓結南冠死却榮。
正氣自勝牢獄困，颶風偏使乘輿驚。
從容取義真難事，淚落陳編此日情。

得京輝書云東庄兩桂樹甚茂

兩桂當年汝自栽，石庭一別手書開。
經行已訝枝相礙，愛護應勞土重培。
密處拚欄休剪去，常時鸚鵡每巢來。
香傳隔巷繁花落，發欲趨秋風買棹回。

物
述懷

與諸友出城東散步水際

岸花汀草駐殘春，步逐漁郎更問津。
側足岡巒渾不畏，會心魚鳥自相親。
一灣已似江南意，半日都忘洛下身。
西出郭門勞僕馬，青山真是誤游人。

答雪屋上人

艤舟山足扣禪機，記得雲林啓半扉。
靜夜香爐渾不冷，深秋書札未應稀。
雪中老屋懷蒼藹，湖上長鏡負蕨薇。
須信大顛詩律細，世人休更笑畱衣。

長至日飲張兼素後府新齋

齋居清絕坐忘還，明月從渠照醉顏。
自署何妨棋品下，相過不在酒杯間。
葭微動臺官識羽檄，稀來幙府聞誰似。
當時張仲蔚蒿萊滿地戶常關。

濟之作共月菴有幸分海月菴中月之句因足成答之

幸分海月菴中月，此事流傳亦甚奇。
隔屋絕勝千里共，可庭寧受一方虧。
翛然步履歸深巷，聊復詩筒過短籬。
報我澄波三萬頃，他年應宿太湖湄。

再答

他年應宿太湖湄獨許風流白傳知
林屋千間真可住畫船十隻也須移
藏來左券言非戲分過東墻事若疑
後夜不如同醉賞羽觴飛處兩無疑

三答

羽觴飛處兩無疑月過槐梢人去時
齊相已忘求楚貢晉人終肯救秦飢
清輝全借渾非少舊好重修幸不遲
願得浮雲長散盡家家簾幕與秋宜

送劉軾方時雍赴福建參政

早振詞林五色翰廿年郎署忽彈冠
校書劉向成新序判事姚崇起夏官
楚客不驚湘海濶閩山能隔雪霜寒
他時召伯甘棠樹只是南風荔子丹

祈雪齋宿

坐久窗間耿玉繩齋虛人靜黯殘燈
常年樂事心偏向深夜憂懷力未勝
月色滿庭疑是雪河流沿岸想無冰
校書劉向今如在更欲相從論庶徵

次韻倪學士祈雪齋宿

玉河西畔路如迷雲霧濛濛萬木低
三日偶成祈雪會一篇將擬聚星題
香凝斗帳清無寐地接公堂近可躋
夜半攬衣人欲起長廊月白誤寒鷄

哀李士英二首

逝矣平生恨獨賢同官今幾是同年
詞林有一誰言少科甲惟三我愧前
弱息命名悲反席士英沒前一日予往視衆人談夢
悟乘船士英初病夢入一舟中無限隔亦安能便作南遷客死

別吞聲重覽然

歲暮西街日景收馬頭殘淚憶交游朝班竝立常連肘仕路爭趨每掉頭經解暫緣持藥廢士英熟於經學常力疾為諸生講解孝思猶作治棺謀此因貧欲葬皆不如禮慎無於吾獨厚蕭條舊舍難重過春到惟應卉木愁

觀盛舜臣行藏竹爐蓋倣惠山元僧之制其伯父侍郎


公銘其倣

聽松菴裏試名泉舊物曾將活火煎載讀銘文何更古偶觀規制宛如前細筠信爾呈工巧暗浪從渠攪醉眠絕勝田家盛酒罌百年長共子孫全

題畫四首

雲閣青山出松生翠瀉流悠悠三步外為爾一回頭

漁舟凍不移況有携斧言斷榑花灣甘為五湖長
深塢閱清暉誰知有守惜哉挂帆人只愛江風利
清漪帶平岡誰使入葉老樹四五株結茅恨遲暮



卷之四